

Oktober 2025

Eqikkaaneq

uanga

Kalaallit Nunaannut angallannermut inatsisip allanngortinneqarnissaanut inatsit

(Kalaallit Nunaanni misissuisarnermik aaqqissuussinermik pilersitsineq)

Inatsisissatut siunnersuutip pilersippaa, danskit transportministeriata aammalu kalaallit Ineqarnermut Attaveqaasersuutitut, Isorliunerusunullu Naalakkersuisuata isumaqatigiissutaat januar 2025-meersoq, maj 2025-mi naqissuseqqinneqartoq. Isumaqatigiissutitigut aalajangiunneqarpoq Kalaallit Nunaanni aqquuserngit sinaanni misissuisarnissamik aaqqissuussinermik pilersitsinissaq, Kalaallit Nunaanni pissutsini immikkuullarissuni qamutit teknikkikkut qanoq isuusaasa misissorneqartarnissaasa isumannaarneqarnissaa siunertaralugu.

Inatsisissatut siunnersuutip siullertut siunertarivaa, qamutit kiisalu qamutit kalittakkat aqquuserngup sinaani teknikkikkut qanoq ittuunerisa misissorneqarsinnaanissaannut Færdselsstyrelsenip piginnaatitsissutinik pisariaqartinneqartunik tunineqarnissaa.

Inatsisissatut siunnersuutip aamma Færdselsstyrelseni qamutininik uninngasunik misissuisinnaanngornissaanik tunivaa, piginnittoq imaluunniit atuisoq tamatumunnga akuersisimatillugu. Taamaattoorli aamma Færdselsstyrelseni periarfissaqassaaq qamutit pineqartut misissorneqarnissaannut aggersaanissamut, piginnittoq imaluunniit atuisoq akuersisinnaanngippata.

Aammattaaq Færdselsstyrelsenip misissuisartui qamutininik imaluunniit qamutininik kalittakkanik ingerlatsinissamut inerteqquteqartitsisinnaanermut piginnaatitsissummik

tunineqarput, misissuinermit kukkunerit aamma amigaateqarnerit annertuut paasineqarsimatillugit, isumannaatsumik angallannermut ulorianaatillit.



Siunertaavoq, Færdselsstyrelseni nalunaarummik atortuulersitsissasoq piginnaatitsineq pillugu aalajangersakkami § 6 a, imm. 5 tunngavigalugu siunnersuutigineqartumi, § 6 a, imm. 1-3 malillugit misissuineq qanoq naammassineqarnissaanut malittarisassanik erseqqinnerusunik aalajangersaasussamik, Tamatumunnga atatillugu ilaatigut, qamutit kiisalu qamutit kalittakkat, misissuinermit akuerineqartut, akuerisaanerup meqqianik ikkussiffigineqartarnissaat pillugu malittarisassanik aalajangersaasoqassaaq.

Siunnersuutigineqarpoq, allannguutit atuutilissasut ulloq 1. januar 2027.